

tate crevit, eadem defecit. Peponibus enim in Hungaria delectatus, dissenteriam incidit. Ex qua 2. imperii anno mortuus, apud socerum sepultus est, relicta uxore pregnante. Ex qua Ladislaus rex Ungarie ac Bohemie natus est, qui hoc anno aput Pragam, non sine suspicione simplici veneni, 18. natus anno interiit.

Fridericus III., et ipse Austrie dux, defuncto Alberto suscepit imperium. In Ierosolimam, priusquam imperaret, cum germano Alberto et comite Cilie feliciter peregrinavit^a. Imperator factus, cum germanos neutralitate gaudentes et divisam ecclesiam reperisset, et nationem suam ecclesie Romane parere^b et conventiculum Basilee congregatum abire iussit; unde secuta est unio ecclesie. Cum Hungaris bello gesto aliquot eorum castella armis obtinuit, ab eis quoque^c dampno haut modico affectus est. Uxorem sibi ex Portugalia accivit^d Leonoram, regio sangwine et moribus inclitam, honestam, que secum Rome a Nicolao papa V. coronata est^e. Duxit in Ytaliā secum et Ladislaum, Hungarie ac Bohemie regem, ac magnam nobilitatem. Regem Aragonum aput Neapolim visitavit. Borsum, marchionem Estensem^f, Mutine ac Regii ducem fecit. Pugnavit infeliciter cum Australibus, tutelam regis ab eo repetentibus. Nunc quoque cum Alberto fratre et Sigismundo patruale de ducatu Austrie contendit.

a) Hs.: 'feliciter pugnavit'. b) Hs.: 'et natione sue ecclesiam Romane parere'. c) Hs.: 'ab eisque quoque'. d) Hs.: 'acivit'. e) Hs.: 'coronatus est'. f) Hs.: 'marchionem ostensem'.
